
ВИЛОЯТ ҲОКИМИ СҮХ ТУМАНИДАГИ ЯНГИ ИШЛАБ ЧИҚАРИШ ЛОЙИҲАЛАРИ ҲАМДА БАРПО ЭТИЛГАН ИЖТИМОИЙ ОБЪЕКТЛАР БИЛАН ТАНИШДИ

Вилоят ҳокими Хайрулло Бозоров, вилоят секторлари раҳбарлари билан кечада Сүх туманида бўлиб, янги ишлаб чиқариш лойиҳалари ҳамда барпо этилган ижтимоий объектлар билан танишди.

Дастлаб вилоят раҳбари туманинг Қалъача маҳалла фуқаролар йиғинида бўлиб, давлат-хусусий шериклик асосида барпо этилган янги МФЙ биносининг фойдаланишга топшириш маросимида иштирок этди. Маҳаллий тадбиркор аёл Матлуба Воҳидова ташабbusi билан қуриб битказилган ушбу бино учун 950 миллион сўм маблағ сарфланди. Бу ерда замонавий савдо дўкони ҳам иш бошлади.

Хайрулло Бозоров, шунингдек “Тристар Голд-2022” корхонаси томонидан бўш турган бинода ташкил этилган тикув-трикотаж маҳсулотлари ишлаб чиқариш жараёни билан танишди. Сүх туманида тадбиркорлик субъектларини қўллаб-қувватлаш бўйича Давлатимиз раҳбарининг алоҳида қарори билан тақдим этилган солиқ имтиёзларидан руҳланган ҳолда ташкил этилган корхонага, тадбиркорнинг ўз маблағлари ҳисобидан бир миллиард сўмдан зиёд инвестиция йўналтириши натижасида ҳозирнинг ўзида 100 дан зиёд янги иш ўрни ташкил этилиб, тикилаётган эркаклар учун ички кийимлар хорижга, хусусан Украинага ҳам экспорт қилишга бошланди.

Хайрулло Бозоров туманда “Sokh Oasis Trade” корхонаси томонидан ташкил этилаётган паррандачилик кластери лойиҳасини ҳам кўздан кечирди. Қиймати 3,6 миллиард сўм бўлган ушбу лойиҳа доирасида қурилиш ва жиҳозлаш ишлари якуний босқичда бўлиб, тадбиркор фаолиятни бошлаш учун газ таъминотида муаммолар мавжудлигини маълум қилди. Вилоят ҳокими, қисқа муддатда 1,5 километр масофадан газ тармоғи бўйича соҳа мутасаддиларига қатъий топшириқ берди, бунинг учун вилоят бюджетидан 360 миллион сўм ажратиб бериладиган бўлди.

[Бизни ижтимоий тармоқларда кузатинг Facebook,](#)
2021-12-30 18:43:29